

杭州府志卷一百二十一



名宦六

國朝

張存仁字完真滿洲鑲藍旗人順治二年隨大軍定浙授巡撫擢總督先是鎮江敗卒竄走浙江南屏白塢居民多被刦掠城中率走避村落存仁至傳集薦紳士民撫諭安定方國安拒命據險立柵存仁與戰於五雲山白塢嶺累勝之乘勢逐北國安東走明年三月存仁集艘艦江中習水戰六月從七條沙渡江江東遂定後兼轄福建調直隸山東河南總督贈太子太保諡忠勤

康熙志浙江通志

趙廷臣字君鄰盛京奉天人康熙元年以兵部右侍郎總督浙江

杭州府志

卷一百二十一

名宦六

一

寬和端靜不爲赫赫名而人自率服屬吏有溺職者多以尺書戒諭使之悛改軍興以來度支苦不給疏請復二十四監鼓鑄泉貨遂通又言浙中逋賦不清由征解繁雜請行一條鞭法滿洲駐防收買民人宜令地方吏給印契并曉諭諸鄰俾知嚮身旂下後或逃歸有容留者乃可坐罪平情折獄全活甚多累加太子少保兵

部尙書諡清獻

康熙志參奉天府志

李之芳字鄴園直隸武定州人順治四年進士十五年以巡鹽御史莅浙洞悉鹽政利弊凡不便於商竈者悉除之康熙十二年以兵部侍郎總督浙江踰年耿精忠反窺仙霞嶺之芳馳赴衢州挫其鋒時山賊竄起遙應耿逆之芳檄諸路將士分守要害次第討

平之進兵部尙書疏請蠲恤十六年以前額賦貧民陷賊來歸者悉爲區畫衣廩又設糜通衢賑往來饑民一百二十二萬有奇流移者盡復故土二十一年秋還杭州入爲兵部尙書進文華殿大

學士卒諡文襄浙人感其功德各郡多廟祀焉

康熙志浙江通志張玉書撰墓志

施維翰字及甫江蘇上海人順治九年進士康熙二十一年總督浙江務鎮靜與民休息慮駐防滿兵夜出緝盜有生事擾民者疏請夜必收營緝盜事專責漢兵通行各省著爲例明年改福浙總督卒諡清惠與巡撫李本晟並祀名宦

康熙志宋德宜撰墓志

王國安盛京蓋州人康熙二十一年授浙江巡撫整飭漕務清理權稅革鹽政陋規建河道隄閘訓兵息民具有條制杭城兵民雜

杭州府志

卷一百二十一

名宦六

二

處營債素爲重累乃捐俸代償焚券息爭民間焚香頂祝升浙閩

總督

浙江通志

李衛字又玠江蘇豐縣人以監生援例爲員外郎遷郎中雍正初任雲南鹽驛道旋擢浙江巡撫未幾以總督管巡撫事加太子太保兼理鹽政漕運節制江南浙江巡撫之兼鹽漕自衛始衛性機警遇事敢爲而才足以濟之沿海多竊發捕治略盡首嚴米穀出洋之禁俾內地足食兼濟八閩浙東七府惟溫台以東有入海水道其餘溪澗之水並入錢江浙西三郡悉由太湖出海乃導海口及支河小港俱使深濬農家得備車戽行旅便之尤加意海塘往來相度奏請帑金數百萬改建大石塘百餘里修浙江通志暨鹽

法志皆有成書調直隸總督率諡敏達乾隆四年崇祀名宦

乾隆志

劉韻珂字玉坡山東汶上人由拔貢累官四川布政使英吉利寇定海浙撫烏爾恭額譴去道光二十年以韻珂代甯波失守夷艘越姚江而西會城大震十室九徙日夜泣諭僚屬徧謁里居士大夫出資力治守禦具數日稍定令坊置柵人無貴賤皆行夜巡邏徹旦自策馬督稽之誅賊閒十餘人奸人不得逞竊盜屏跡時浙東西大雪深丈許壞廬舍無算甬東民流轉以數萬計悉意振卹入奏語悃欵曲摯讀者流涕二十二年夏捍海塘圯韻珂馳視立出十萬緡付耆老民歡趨之十日而畢省巨萬金而工固愈官築者由是得疾乞假調治養疴西湖之濱民數百人味爽守錢塘門

杭州府志

卷一百二十一

名宦六

三

候啓鍵出問今日安否會城醮壇以十數婦豎皆釀錢爲誦經求福私禁屠宰市絕羶腥二十三年擢浙閩總督百姓夾道焚香跪拜數十里不絕

邵懿辰撰記

季芝昌字仙九江蘇江陰人道光十二年一甲三名進士翰林院編修二十年督學浙江嚴設關防廣布條教裁革規費文藝之外尤重氣節志趣所得皆知名士二十九年查辦庫儲鹽務寬嚴悉協其中所議鹽章七條減課選商緝私革費均於民食有益杭嘉霑兩田廬皆成巨浸目睹小民困苦途次瀝陳成災情形不以局外自視是年振卹得以普徧無遺活民甚衆咸豐元年授閩浙總督鄞縣奉化梟民拒捕浙撫議用兵剿捕芝昌專摺特奏以安撫

良民解散脅從爲主其後歲事甚速民少株連持躬儉約馭下以嚴三次莅浙約束僉從吏胥無擾閭里商民感頌卒諡文敏光緒

四年入祀名宦

崇祀名宦錄

左宗棠字季高湖南湘鄉人道光十二年舉人同治元年在開化行營以木質關防任浙江巡撫事二年四月升閩浙總督仍兼署巡撫當其統師入浙以三衢尺寸之地剿羣盜百萬之衆轉戰而前悉復其宇於是減浮收定漕額靖槍船定兵制頒籽糧募墾賑貧羸以衣藥贍才峻以餼糧行之數月浙人大蘇若忘兵革以全浙底定加太子少保封一等恪靖伯尋拜東閣大學士統軍出關復天山南北各城晉侯爵由兩江總督奉

杭州府志

卷一百二十一

名宦六

四

命督辦福建軍務積勞成疾光緒十一年卒於福州軍次贈太傅

諡文襄踰年浙紳擇地西湖北山麓建祠專祀

楊昌濬撰祠碑浙撫續題名碑

馬新貽字穀山山東荷澤人道光二十七年進士同治三年由安徽布政使擢浙江巡撫時值兵燹之後民困過深疏陳整頓吏治刪減丁漕興修水利籌辦開墾正己率屬革奢華祛浮僞每月巡視塘工審察官吏勤惰工料堅窳督修完固民賴以安七年升閩浙總督調兩江以歷次勦辦海盜殲除積年首匪九年七月爲遺孽挾仇行刺卒於官贈太子太保諡端敏十年浙中士民請建專

祠

馬新祐撰年譜

楊昌濬字石泉湖南湘鄉人同治初以諸生從左宗棠治兵援浙

身列戎行枕戈喋血浙東西郡縣以次底定使子遺之民重覩天  
日立功甚偉授衢州知府洊擢按察使布政使同治八年擢浙江  
巡撫時大難甫平昌濬招流亡振乏絕勸農桑興學校海塘倉儲  
兵備罔不秩然就理因事奪職旋授漕運總督閩浙總督移督陝  
甘卒贈太子太傅浙人德之請建專祠

張濬萬撰記

擾

康熙志浙  
江通志

佟國器奉天人任浙江按察使時兩浙初定叛獄繁多平情讞鞫

杭州府志

卷一百二十一

名宦六

五

釋枉矜疑全活無算順治十六年以右副都御史巡撫浙江熟悉  
瀕海情形抵任卽招降僞都督廖明旗勦滅海逆阮六等海疆靖

謐浙民賴之

康熙志浙  
江通志

朱昌祚字雲門滿洲籍山東高唐人順治十八年巡撫浙江清廉  
沈毅爲政務持大體時浙中寇盜未息設方略平之導以歸順黨  
羽解散適裁撤巡方重案悉歸巡撫牽連逮擊者數千人數月閒  
完結矜全省釋不可勝計晉兵部尙書諡勤愍

康熙志

范承謨字覲公遼陽州人順治九年進士康熙八年由翰林歷遷  
副都御史巡撫浙江清廉寡欲人不敢干以私杭嘉湖水災洊饑  
民幾聚爲盜奏貸庫銀八萬兩買米平糶許最貧者得附老弱例

肩鹽給朝夕駐防逃人牽連誣害疏請分別新舊另定處分民始安堵十一年遷福建總督士民號泣擁車不得行乃乘深夜單騎啓關以去至閩察耿精忠有異志欲出海嶠簡鎮兵以制之未及行而精忠叛逆衆露刃脅降承謨罵不屈拘之幽室械繫二年後王師破仙霞賊計窮冀飾詞免死懇承謨暴其罪逼令就縊以滅口承謨從容就義幕友嵇永仁王龍光沈天成及親屬隸卒五十人並遇害事聞贈太子少保兵部尙書諡忠貞

浙江通志

田逢吉山西高平人順治十二年進士康熙十二年巡撫浙江時雲南叛軍興旁午籌餉調兵動合機宜訓練將士嚴行保甲計典黜陟賢否悉愜輿情潔己自矢凡耗羨餽獻盡皆屏絕暇則與諸

杭州府志

卷一百二十一

名宦六

六

生講學論文多所造就

浙江通志

李本晟字嵩岑湖北蘄州人進士康熙十八年巡撫浙江時當閩逆方平之際治尙清淨士民便之歿後崇祀名宦

康熙志

趙士麟字玉峯雲南河陽人康熙三年進士二十三年以副都御史巡撫浙江莅任初念小民爲營債所苦釀成大獄移咨將軍掣繳票約捐資代償豪右多倚奸吏驕悍不法廉得其狀悉置之法省城內河淤塞幾百年下令疏治半載訖工舟楫利便以次繕治城隍修葺學校百廢畢舉而陋例盡革未幾移撫江蘇兵民留之不得乃於西湖敬一書院肖象祀之

浙江通志

張鵬翮字運青湖北麻城人康熙九年進士二十八年以僉都御

史巡撫浙江清漕弊覈鹽課屏絕饋遺燕居不苟言笑吏治精密寬厚有斷嘗曰理政之道以教化爲先築書院萬松嶺厚餼諸生自奉則蔬食菜羹而已升兵部侍郎去行李蕭然官至大學士諡

文端

浙江通志

趙申喬字松伍江蘇武進人康熙九年進士四十年授浙江布政使故事發兵糧石給口袋錢四十歲費銀四千兩悉徵之民間申喬受事三日首革其弊與錢糧加平時節餽獻兵餉挂發奏銷部費一一禁革武進距杭邇家人來輒載米數十斛給饗殮未踰年升浙江巡撫藩庫有羨銀二千兩封識以授代者曰吾前奏銷不費一錢後將難繼得此足辦一歲事勿更擾民自藩署遷撫廨惟

杭州府志

卷一百二十一

名宦六

七

樸被一肩書數簾而已錢塘江逼近杭城潮汐晝夜拍岸舊塘傾圮申喬躬親相度地當衝鬻者易土以石鎔鐵貫其中築子塘護焉七旬工竣自是潮不爲害諭吏胥曰吾無幕客案牘皆手理汝曹若相欺能保一事不敗乎對曰如公者尙相欺天良何在非惟不敢亦不忍是年大比請增額視江南旋奉

命往湖南會審鎮寧紅苗改偏沅巡撫歷官戶部尙書卒贈太子太保諡恭毅雍正十年奉

旨入賢良祠浙民祠諸吳山

浙江通志

張泰交字公孚山西陽城人康熙二十一年進士四十二年以兵部右侍郎巡撫浙江

聖祖南巡

御書推誠遇人扁賜之居官清正仁恕留意兵民重務每大閱躬詣羅木營整飭隊伍訓練官兵繕甲修械而尺籍隱冒之弊以除修江塘易土以石立廟鎮之運使高熊徵開書院紫陽別墅泰交親至督課與諸生講論經史大義倡行鄉約宣講

上諭四十四年以疾請告

特遣中書存問卒於官浙人肖象祀於孤山

浙江通志

徐元夢字善長姓舒穆祿氏正白旗人康熙十二年進士五十三年以內閣學士授浙江巡撫明年疏陳杭紹台七郡災請截漕米二十萬石平糶并緩征以紓民力在任清約若寒素割俸修葺萬

杭州府志

卷一百二十一

名宦六

八

松書院并請賜榜易名敷文買田聚書以惠學者官至戶部尚書

贈太傅諡文定

李元度撰事略

朱軾字若瞻江西高安人康熙三十三年進士五十六年以通政使巡撫浙江首除供億陋規減儀從謙會止五筭飭吏胥毋曳紈綺墨吏望風解綬去浙俗昏喪尙侈靡乃著家儀益以士相見鄉飲酒禮刊而行之陋俗不變尤慎於庶獄幕中不延賓佐每蚤起治事至丙夜不休浙西數百里藉海塘爲捍蔽時築時圯疏陳海甯老鹽倉等處易石用槌北新關爲猾胥淵藪搜剔宿弊行旅便之劾巡鹽御史哈爾金勒索鹺商鞠實論如律修萬松書院躬親訓課士相砥以學行五十九年擢左都御史雍正二年以海塘圯

復來督修浙東西以丈計者一萬三千六百用帑銀十五萬五千七百兩有奇三年九月拜文華殿大學士卒贈太傅諡文端高安縣志黃叔琳字崑圃直隸大興人康熙三十年一甲三名進士雍正二年授浙江巡撫平反冤獄翦除巨猾賑災傷黜貪墨仁和錢塘海甯田十數萬頃全藉省城上下兩塘河水灌溉自開廢土淤民占爲田利甚微而所損三屬田畝逾巨萬疏請照西湖舊志清出歸湖去其梗塞開通水源所屬官塘運河支港壩堰斗門俱一律疏濬以興水利浙民便之值夏旱步禱三竺行二十餘里雨大降陳兆

崙撰墓誌

嵇曾筠字松友江蘇長洲人本籍無錫父永仁隨范承謨殉福建

杭州府志

卷一百二十一

名宦六

九

難曾筠康熙四十五年進士由編修累擢尙書授東河總督署南河總督拜文華殿大學士雍正十三年總理浙江海塘工程乾隆元年兼浙江巡撫照李衛例改鹽政疏言江海形勢南坍則北漲今東南兩塘根俱漲有護沙應建魚鱗石塘以期一勞永逸其海甯翁家埠一帶柴草工程亦加鑲高厚又請於嚴州所屬之涇河兩岸築石壩以衛田廬又請撥省城義倉穀運溫台等屬平糶條陳鹽政四事前後疏上皆議行卒贈少保諡文敏入祀浙省賢良祠

蘇州府志

方觀承字宜田安徽桐城人居江甯雍正十一年平郡王福彭征準噶爾奏爲記室授內閣中書乾隆十三年擢浙江巡撫時海塘

引河改由中小疊其北大疊以北沙漲如平地觀承沿塘查勘自  
仁和至海甯丈出地三十五萬餘畝民竈五千餘戶認墾者編列  
字號分年升科歲徵雜糧十萬石小民咸資生業復纂輯兩浙海  
塘通志尋擢直隸總督卒諡恪敏

桐城縣志

莊有恭字滋圃廣東番禺人乾隆四年一甲一名進士兩任浙江  
巡撫辦理災振務盡民隱居官靜鎮吏民安之於海塘尤加意捍  
築用前人竹絡法編竹爲簾實以巨石鱗次櫛比以衛塘根其秋  
風潮大作石塘間有崩裂而柴塘獨無恙時乾隆二十七年也秋  
霖水漲親往嘉湖察勘知水歸太湖之道多淤疏請浚湖州七十  
二澗并遣官按行三江故道尋移撫江蘇仍兼理浙江海塘建議  
杭州府志 卷一百二十一 名宦六 十一  
大修三江水利用白金二十二萬有奇擢刑部尙書協辦大學士

乾隆志廣東通志

覺羅吉慶正白旗人乾隆五十九年任浙江巡撫時總督行部過  
浙所取州縣公使銀二十萬州縣力匱則盜正帑以應吉慶廉潔  
率屬歲哀所餘益帑總督徵索悉不應其爪牙支格者俱以禮遣  
之行之數年而浙江之財賦大贏

惲敬撰李嗣墓表

阮元字芸臺江蘇儀徵人乾隆五十四年進士五十八年以少詹  
事督學山東明年調浙江學政擢內閣學士嘉慶二年擢兵部侍  
郎轉禮部四年調戶部五年授浙江巡撫時安南艇匪肆掠元親  
督水軍禦諸台州碎賊船僞總兵倫貴利等皆伏誅錢塘江有水

舟曰烏鴉船昏暮劫掠元廉得姓名捕寘諸法立緝匪章程七則請以總兵李長庚總統三鎮舟師金處紹三郡災疏請振卹海盜蔡牽擾閩浙檄水陸鎮將擊走之增設郡育嬰堂經費銀歲四千兩六年立詒經精舍祀漢儒許慎鄭康成延青浦王昶陽湖孫星衍主講選高材生讀書其中不十年上舍士致身通顯及撰述成一家言者不可殫數又以浙東多古帝王名臣先賢陵墓繕冊疏報得

旨勤加防護修葺撰兩浙防護錄七年浙西飢疏請蠲豁平糶立普濟堂於省會年冬振粥著爲例八年立海甯安瀾書院奏立杭嘉等郡昭忠祠以歷年剿海寇傷溺弁兵三百人入祀九年再敗

杭州府志

卷一百二十一

名宦六

十一

蔡牽於定海浙東水災率屬捐振十年振杭嘉湖三郡飢檄所屬多設粥廠分男女爲二出入進退皆有法全活數十萬人父憂歸十二年再撫浙薦邱良功爲浙江提督立專注蔡牽分船隔攻之法於杭州甯波溫州設治局鑄大礮奏令沿海州縣民壯兼習鳥槍不增餼而增兵無算檄沿海卹岸十丁立一甲一甲立一總甲一卹立一總保一山一畧立一畧長給以費使互糾檄漁戶小船聖以白編姓名年貌屬之埠頭旗長晨出暮必返檄卹畧壯丁團練相守檄府縣營汛實力同心遣教職佐雜官數十員微服分巡海口率鄉勇綫民令其事無鉅細直達行轅故千里海澨如目覩而良功與福建提督王得祿遂於十四年秋殲蔡牽於溫州外洋

坐失察學政劉鳳誥代辦監臨舞弊事奪官

命以編修在文穎館行走後官至體仁閣大學士以疾致仕歸道

光二十六年重宴鹿鳴加太傅銜卒年八十六諡文達

國史本傳 劉毓崧

撰傳張

鑑撰記

蔣攸鈺字穎芳奉天遼陽州人隸漢軍鑲藍旗乾隆四十九年進士嘉慶十四年擢江蘇巡撫調浙江整飭海洋緝捕事宜請崇祀張履祥於桐鄉分水書院十五年監臨鄉試榜發徧閱落卷擇文理明通者分送書院肄業所錄多知名士是年冬調河督以不諳河務辭復回本任百姓懽迎道左有老嫗相語曰吾儕又得食賤米矣蓋前在任時嘗禁長安米商私販出洋也奏請海甯南沙地

杭州府志

卷一百二十一

名宦六

十二

方改歸蕭山管轄並移駐官員酌定鹽竈章程又以各屬被災請分別蠲緩酌給口糧十六年擢兩廣總督仕至體仁閣大學士

年譜

帥承瀛字仙舟湖北黃梅人嘉慶元年一甲三名進士由編修歷

官刑部侍郎道光初元浙江鹽務日敗以鹽政改歸巡撫兼理時承瀛任浙撫曰弊不除則利不興己不廉則人不率察其弊之尤大者州縣之官墊民負民補官虧前後糾纏遂至有倉庫而無銀穀清釐一載嚴定章程且奏請分限彌補使官民之困以蘇狡者無所逞其姦夏秋浙西大水田廬既沒民無以食奏發帑金截留漕米令州縣出俸金並勸紳士捐助鹽課歲輸苦不足額乃奏停加價銀及歲減商輸外款復密察私販私煎懲其不法者以徇於

是官引暢銷商力以裕庫儲亦充鹽政故事歲收商捐銀二三十萬爲備貢費承瀛裁存二萬在任四年積有八萬於去浙時捐半濬西湖其餘充葺祠廟貢院普濟堂經費士民感之每歲於其生辰集蘇祠致祝十九年議建生祠於平湖秋月東偏踰年聞其歿請祀名宦復實產以永祀事

莊仲方撰序  
劉韻珂撰記

吳文鎔字甄甫江蘇儀徵人嘉慶二十四年進士由編修累官江西巡撫道光二十八年調浙江巡撫浙中吏治久窳始至下教各屬地方大利害許條上施行簞簞不飭者罪無赦又時時巡行閭巷問民疾苦察長吏賢否千里外纖悉周知土豪猾胥皆斂跡屬吏莫敢詭隨風尙一變二十九年杭嘉湖嚴紹五郡大水漂沒田

杭州府志

卷一百二十一

名宦六

十三

廬亡算上疏自劾并力請行賑恤蠲豁招商平糶勸諭諸政首捐廉俸四千兩爲僚屬倡並勸各屬紳富捐資助賑民賴以存活者不下數億萬人杭城素有棍徒放火搶掠爲閭閻害飭地方官查禁獲首犯置重典其風始息三十年五月大雨西防廳北岸海決聞報往勘時風雨暴至立泥淖中失足落水幾危以救免自以先事失防請罪部議奪職留任率屬督修各員見其至誠惻怛靡不奮興互相策勵八月工竣復職紫陽書院以年久頽圯捐廉修建使多士肄業其中人文蔚起十一月擢雲貴總督以所餘養廉銀四千兩存留浙省俾辦公未能請帑者取給焉咸豐四年以湖廣總督攻賊黃州兵敗死之諡文節八年浙省紳民呈請入祀名宦

公舉  
事實

羅遵殿號淡村安徽宿松人道光十五年進士咸豐九年以湖北布政使擢福建巡撫改浙江時浙兵盡屯皖南省城止總兵李定泰一軍無以爲守禦計屢寓書湖北巡撫胡林翼及侍郎曾國藩籌商選將練兵法以固浙議未定而十年春粵賊突自涇縣入廣德陷浙之安吉孝豐長興二月十九日由閒道撲武林門在城兵不足當一戰請調道員蕭翰慶李元度諸軍急切不得至時大雨連旬督軍民守禦日夜巡歷泥淖中二十七日黎明城陷遵殿方守鳳山門聞變回署自盡

詔贈卹如例諡壯節入祀昭忠祠

浙江忠義錄

杭州府志

卷一百二十一

名宦六

十四

王有齡號雪軒福建侯官人以鹽大使官浙江咸豐初知杭州府事才練過人遇事有爲粵賊陷徽甯浙民洶洶賴有齡撫輯之稍安旋擢雲南糧道遷江蘇布政使十年春杭州陷以有齡撫浙至則弔死扶傷治善後事甚悉十一年九月賊復由餘杭趨省會繞城築長圍江路不通有齡日夜坐城樓食僅蔬菽下至糠覈與士卒同辛苦十一月圍益急糧盡援絕以死自誓二十八日城破有齡聞報服毒不死回署縊閣後賊首見之率衆羅拜具衣冠良材歛之匱至上海蘇撫薛煥歸其喪事

聞賜諡壯愍建專祠

浙江忠義錄

蔣益澧號薌泉湖南湘鄉人同治元年授浙江布政使時粵賊由

蘭谿竄壽昌分黨出上方嶺益澧自湖南募勇東下至衢州分軍復壽昌進攻湯溪屢敗援賊二年正月克其城沿江而下督諸營列隊秦亭山破賊營數十里三年二月復杭州餘杭進克德清石門湖州轉戰而前廓清浙境其行師紀律最嚴沿途收埋齒體資遣難民每復一城所得賊糧贍軍之外悉散諸閭閻全活甚衆十一月護理巡撫籌辦善後百廢具舉農商相率來歸首重學校優其廩精增書院膏火建經生講舍設義學復貢院士子均沾實惠五年授廣東巡撫六年部議降調七年授山西按察使十三年入都卒奉

旨開復原官照巡撫例賜卹諡果敏浙中紳士請於省城建立專

杭州府志 卷一百二十一 名宦六 十五

祠

國史本傳

劉秉璋字仲良安徽廬江人咸豐十年進士選庶吉士授編修同治元年李鴻章督師上海奏調秉璋至營二年督洋將戈登解常熟圍別募一軍進圖浙西禦援蘇之賊秉璋提兵五千轉戰而前克楓涇西塘賊壘進攻張涇匯破吳涇橋東塔大石賊壘遂克嘉興進軍吳淞南潯殷瀆邨楊淞大錢口攻破賊壘十餘追至湖州賊棄城遁江浙肅清五年隨曾國藩勦捻積功至山西布政使江西巡撫光緒九年巡撫浙江時奉

旨豁免錢糧州縣有已徵未解混入民欠者秉璋追出數十萬辦海防就本省籌餉不煩部撥巨款精思所運百廢具舉會法蘭西

人侵奪越南挾兵船掉入東南洋面牽綴援軍旁撓虛喝眩沮我謀其時若閩若臺若滇若兩粵皆別遣重臣宿將聯翩持節度要駐扼獨浙省以浙洋付秉璋知其可倚也秉璋綢繆防務部署精嚴令鎮海沿岸築長牆綿亘三十餘里山岡顯露處設立疑營購椿木排釘海口用海船數十艘實以石排沈椿隙外安水雷百餘又於陸路伏地雷防敵登岸十年正月法艦駛入鮫門我礮臺兵輪開礮轟傷其二越數日復駛入虎蹲山北我軍然礮迎擊中其船桅法艦受創敗退自是不敢再進招寶山口門猶放小舫潛闖南岸秉璋令部將錢玉興等選勇士伏清泉嶺下突擊之法船連受五礮傷人頗多殲其將軍迷祿相持四月他省勝負互見惟浙杭州府志

卷一百二十一

名宦六

十六

省全勝法事平奏請設立海軍雖不能行其議而秉璋謀慮至深遠矣十二年擢四川總督三十一年卒年八十宣統二年追諡文

莊朱孔彰撰傳

廖壽豐字穀似江蘇嘉定人同治十年進士改庶吉士授編修光緒七年授浙江糧道九年法越事起南北洋戒嚴壽豐慮海運有梗至上海謀借洋輪南漕無誤先後督運凡六次手訂章程弊竇一清又以浙西水利全在餘杭苕溪分南北兩湖歲久積淤水溢爲患乃以道庫節省銀一萬兩並捐廉俸銀五千兩相度形勢次第開濬先北後南一例疏通浙西蒙利十三年遷按察使壽豐在浙久諳土俗行保甲清訟源臨安有游僧謀不軌捕治之藥其黨

遂以無事十六年授河南布政使十九年授浙江巡撫適有日本之釁壽豐慮踵前明故智俶擾浙中兵力單薄募勇又易聚難散乃寓團練於保甲酌給軍火以爲防軍之助編沿海五郡漁團以遏內地奸民潛通外寇之萌畫甯台溫爲南北中三路歸併各營分置此三路以水師兵輪援應之以小輪四艘巡哨之親歷海口指授機宜築土隄於乍浦造礮臺於鎮海營立堅壘於澉浦尖山適中地布置既定敵不敢犯事平上力圖補救疏曰端政本日節財用曰修武備曰整吏治所謂節財用者意在罷織造所謂整吏治者意在停捐納尤爲獨見其大日本據和約開商埠於杭壽豐寸土隻字斷斷辯論筆舌交敝於原議外續定章程六條以保國

杭州府志

卷一百二十一

名宦六

十七

家利權而全商民生計其時士大夫方爭言西學壽豐以時局所趨西學自不可廢奏設求是書院並設工藝廠及武備學堂開繭紗廠蠶學館頒焙茶新法試行內河小輪設銀圓局二十四年冬將受代猶酌改營制奏建武備新軍歸甫一年庚子變作壽豐驟聞

乘輿播遷朝夕涕泣寢食俱廢以卒年六十六

俞樾撰墓志銘

惲祖翼字叔謀江蘇陽湖人同治三年舉人光緒二十四年由湖北按察使擢浙江布政使時上虞山水驟發風潮頂衝南岸土塘七處祖翼改土購石砌盤釘樁成石塘一千數百餘丈以捍水目擊露骸敗樁拋棄河干撥巨金埋二萬七千餘具二十六年